

皇明海防纂要

第十冊

皇明海防籌策

卷十

海防纂要卷之八

黎陽王在晉明初甫纂男會苾繹蒞甫較閱

定武略

兵部尚書胡世寧云自古詰戎練武專備蠻夷盜賊
蓋以二者皆能戕殺生靈傾覆廟社故為此殺人以
殺人非得已也今境外四夷已有祖訓不許輕伐
先朝惟責邊將謹備其來而或近屯百里之外勢將
入寇則先伐其謀耳自來不曾遠征至于邊境叛軍
卽聽處決擒殺著律已明別無他議若民間盜起則
宜查累朝設立巡撫兵備勅詞立為定制務使

練兵足食一聞盜賊生發即便舉兵撲滅於微一面
奏聞及其既久則宜撫捕兼行以散其脅從離其黨
與而必殲其渠魁不許姑息若其一時失計稍有挫
衄則當體念勝負兵家之常貴圖後效以全功其若
終無成功或先隱瞞坐視及有事地方等官或先爭
權曲阻其事或後忌成陰毀其功者皆當重治誤事
甚者卽照先年重例處之

鼓軍氣

都御史唐順之題云戰陣之所以精明與中國之所
勝四夷者氣也而非甲兵之謂也 國家承平日久

文吏游談而養尊武臣怡嬉而費身閒雅雍容之習
成而慷慨果銳之氣亦漫銷矣南倭北虜倏然內侵
殆若昔人所謂氣炎以取之者賴 皇上天縱 神
武赫然一怒誅逐偷惰拔用英奇文臣督師皆躬自
臨戎有兔罝赳赳之氣自此倭虜不敢深入則氣之
勝也以臣占於行陣之間猶有未盡然者臣視師東
南備觀怯將情狀一聞賊戰如澆冷水顏色可憐縱
不便走股已先慄雖亦未必盡然而然者固多矣至
于倭賊渡洋談笑飲食若履平地而我將棲泊近岬
日遇海風則頭捍目眩夜聞潮則耳聾心惕且夫倭

賊有過藐我將之氣而我將無必吞倭賊之氣則是
未戰而索然也如此而望長驅海島掃清大慙臣猶
以為難也此氣在宇宙間磨礱而時用之則鮮明置
之不用則黯無精光謂宜文臣督師時御戎服出入
軍中強揚蹈厲以作武將之氣武臣大將遇有賊戰
戎服出入陣中以作偏裨小校之氣偏裨小校遇有
賊戰戎服先登以作士卒之氣而督師武將臨陣督
戰間取墳校逃卒遵奉旗牌事例百萬軍中忽然斬
却一二人以變士卒之耳目使我之氣日益精明則
賊之氣自然銷沮此其言若迂濶而實勝敵之要機

也李光弼蒞軍而旌旗變色每戰必勝氣之謂也

處首級

都御史唐順之云烏銃手不許割首級亦不暇割首
級論賞與餘軍照數分給假如百人為率或烏銃手
十名餘軍九十名烏銃手居餘軍十分之一或餘軍
內得一首級該銀三十兩則烏銃手得銀亦十分之
一其分銀三兩或烏銃手五十名餘軍五十名烏銃
手居餘軍二分之一餘軍得一首級則烏銃手亦得
銀二分之一其分銀一十五兩人數搭得多寡分銀
數多寡悉照此例算

恤傷殘

巡撫都御史彭 巡按御史孫 等議云優恤軍屬
律有正條隱蔽殺傷例有明禁今後各道并軍衛有
司部下軍兵俱要從實開報陣亡官員給銀三十兩
奏 請陞級他鄉客死者仍給關文陣亡民兵一名
給銀五兩官軍一名給銀三兩被傷軍兵傷重者一
兩傷輕者五錢被殺民人未埋者五錢已埋者三錢
被傷未痊者一錢房燒盡絕十口以上者三兩十口
以下者一兩五錢老小無依者五錢壯丁砍去蘆葦
者應納監課官為處補俱從兵備道呈請查給若有

隱諒不報者從重究治督糧道仍將近者議免太倉
嘉定上海崇明四州縣荒蕪田糧及民運白糙糧米
議改折色數目出榜諭衆通知務裨民有實惠

調客兵

都御史章煥題云今治倭者無他調兵而已臣愚以
為非久計也小發之不足多發則用度不計久駐則
老師廢財暫駐則兵散而賊復入且衆兵雜處爭隙
易生壯健久曠奸盜自起故客兵協守惟都城塞下
可以居之主客相當有所忌也江南民弱客兵所為
庭羸視之者也欲其不亂難矣淫婦女劫貨物殺良

民如是則客兵之亂與倭夷等前世調兵江南皆有明戒

又云調至土兵賊頗畏忌然亦獷悍難馴夫以苗攻倭猶以毒攻毒不可輕用亦不可久用者也是在上醫國手劑量斟酌對病而攻病去卽已今旣無鼓舞之方復無調停之法事急則懸賞求之勢緩則厭棄置之求之則易驕棄之則生怨此調兵之制未定者也

廣團結

城外團結法間嘗廣詢博訪宜以二十家為一團除

徽賊王徐聞賊林隱輩假稱名號竊銀勒合妄具禮
儀私通酋長遂至招呼益衆往來無稽天文所不知
者此皆彼中情狀博訪以實故本職在昔具呈題
請許令省諭蓋嘗反覆思之審矣若頒降 璽書特
遣使命恐端不致反生事端若令琉球高麗就近傳
宣事在彼中雖於取必不如止行浙江巡撫得以便
宜省諭當如永樂事例取高僧數人抄文衆樺直至
天文詳為傳諭宣慰 朝許貢之恩禁近來倭夷之
鑼發王徐之偽收逆叛之民許修常貢操利權天文
雖愚必知所擇蓋日本所需絲綿藥物器用之類悉

皆仰給中國不能缺者若或海禁皆嚴通番盡止彼
日用不足勢必請貢惟命是從而我所欲為亦無不
遂此又拔本塞源之術也

詰奸細

吳郡生員陳恕云海夷譎詐奸計百出或裝做囊笠
農夫或裝做中帽婦女或裝做雲遊僧道或裝做乞
丐賊夫探聽消息則如鬼如蜮剽掠村落則蟻聚蜂
屯萬一不謹潛入城郭被其內應堪憐無及為今之
計必須徧行所屬官司在城則逐戶挨查門禁則仔
細盤詰出軍則尤宜探訪至於掌門之官亦要文武

相兼啟閉以時風夜有警男子則由左女子則由右
不相混淆毋容撓越我兵一出必遣伶俐健卒先行
俾作探聽熟知賊之休息每黃夜貪淫嗜酒熟睡
休兵眈視我兵不虞我至斯時也果能伏兵四起此
其除奸滅寇之機也為將者所宜念之

重隣援

舉人王文祿云今當署為合救之令若攻一省諸郡
救之若攻一郡諸邑救之若攻一邑隣邑隣所救之
正猶子弟之衛父兄手足之捍頭目保家保身而不
可緩也夫所謂救之者非盡撤居守之兵以救之也

蓋每郡每邑每所抽其精者而救之則合少而成多也惟抽其精者而勵之以敢死之志歆之以信賞之榮或負絕夜偷或繞擊不意則寇腹背受敵驚潰莫支解散而不暇攻矣蓋城旣被圍兵不能出以應敵必得隣境外兵始能救之不然坐待其斃也况東南郡邑有數唇亡齒寒竹破瓦解將安救哉必在位者調元氣倡大義震赫斯怒大為之處凡有坐視而不救者與失陷同罪則庶乎眾志一而援助之廣可以望其平也

已上俱籌海圖編

福建僉事王在晉云年來海波寧謐日間警息相聞

海洋寥邈豈無賊船竊發是在官兵極力巡邏一哨
出洋各哨相為聲援一船捕賊各船相為羽翼彼寡
我眾賊當就擒決無捨失之事今日之弊全在把總
偷安惜身重命不躬行倡率孰肯奮勇爭先哨官畫
地分疆苟安坐視聊且塞責便可邀功或見賊不追
追之不力後有追而前不應彼有戰而此不知各捕
出洋前後參差不相為絡繹聲勢既孤應援不接如
一人之身手足不交相為用安能禦敵却侮率由此
道過警何以收功今照海壇信地被賊搶失鐵頭船
一隻據稱賊船三四隻每隻約有百人此豈一捕盜